

Ակորսոյ սկսաւ աղաչել սոցա՝ որ զինքն ևս իրենց ընկեր առնուն: Այս խնդրոյս համար հարկ եղաւ խորհուրդ մի գումարել Խոյիմիրսքեայ տան մէջ, ուր հաւանեցաւ գերահան ընկերութիւնն ընդունել զԱկորսոյ իրեն ընկերակից: Տանուտէրը կը պատուիրէր Ակորսոյի՝ որ Կամենից հասնելուն պէս, երթայ նայի քննէ իւր տունը. խեղճ ծերը չէր զիտել՝ որ վաղուց իւր տունն՝ փայտի տեղ՝ կրակի նիւթ եղած էր յայլազգեաց, և եթէ կակղիք այդ փորձանքէն ազատել էին, ուրիշ պատճառաւ չէր, այլ զի կ'ախորժէին նոցա շուքին ներքև ծալապատիկ նստած՝ ժամանակ անցնելու. Բուտազովիչ զանազան առևտրական յանձնարարութիւնք տուաւ Ստեփանի. Հռիփսիմէ յանձնեց նմա, որ անպատճառ երթայ գտնէ նախնեաց գերեզմանքը, և նոցա վրայ մի Հոգշոց ասէ. այլ Մարգարիտայի սիրտը կոտրեցաւ, և աշխարհք հայելու աչք չունէր:

Այս փոքրիկ՝ չորս անձով կազմեալ ընկերութիւնն՝ 1688 յունուարի 15 ին, վաղ առաւօտու պատարագ մի տեսնալով, ճամբորդ եղան յԻլվովէ՝ ՚ի Կամենից: Կարգէ գուրս ձեռնարկ մի էր սոցա սկսածն, որոյ նմանը ոչ ոք չէր յիշել: Միանձունք՝ սրտերուն վրայ խաչ, գրպաննին ոչ լեցուն, զի միայն 400) զոթի ունէին հետերնին, կ'երթային առ այլազգիս՝ իրենց հաւատակից եղբարց ազատութիւնը գնելու: Անվտանգ հասան Եանովա կոչուած տեղը՝ Թերէպովի մօտ, ուստի հարկ էր՝ որ իմաց տրուի Կամենիցի Փաշային սոցա գալըստեան և նպատակին մասին: Եանովցի մէկը՝ որ միջնորդ պիտի լինէր սոցա և Փաշային մէջ, ուզեց նիւթականապէս շահուիլ այս առթովս. առաջարկեց սոցա որ փողերը իրեն յանձնեն, վասն զի